



JU ZAVOD ZA HITNU MEDICINSKU POMOĆ KANTONA SARAJEVO
EMERGENCY MEDICAL CENTRE SARAJEVO Prim. dr. Silva Rizvanbegović

Kolodvorska 14, 71000 Sarajevo Tel: 033/722-334 Fax: 033/655-939 www.hitnaks.ba, info@hitnaks.ba
ID: 4200014530006, SPARKASSEBANK d.d BiH 1994990031470890

936

Bosna i Hercegovina
Federacija Bosne i Hercegovine
Kanton Sarajevo
11-03-2026

PRIM.			
011	04	7593	-20

Broj: 01- 3- 738 /26
Sarajevo, 09.03.2026.godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
Ul.Reisa Džemaludina Čauševića 1.
71000 Sarajevo
N/r Predsjedavajućeg Skupštine Kantona Sarajevo, Elvedin Okerić
N/r Zastupnice, Admela Hodžić

MINISTARSTVO ZDRAVSTVA KANTONA SARAJEVO
N/r Ministra
Prim.mr.sci.dr. Enis Hasanović

Predmet: Odgovor za zastupničku inicijativu zastupnice, Hodžić Admele

Poštovani,

JU Zavod za hitnu medicinsku pomoć Kantona Sarajevo Prim. dr Silva Rizvanbegović je dana 26.02.2026.godine zaprimilo inicijativu zastupnice Hadžić Admele o potrebi otvaranja stalnog punkta hitne medicinske pomoći na području Općine Trnovo, lokalitet Bjelašnica, te Vas želim obavjestiti da je Stručno vijeće Zavoda isto razmatralo i podržavamo Vašu inicijativu i smatramo je opravdanom, ali otvaranje punkta zahtjeva kupovinu dodatnih vozila, ljudske resurse kao i druga materijalno tehnička sredstva.

Naime, medicinski tim hitne medicinske pomoći čine 1(jedan) doktor medicine –specijalista urgentne medicine ili doktor medicine sa edukacijom iz oblasti hitne medicinske pomoći, 1(jedna) medicinska sestra sa posebnom edukacijom iz hitne medicinske pomoći i 1(jedan) medicinska sestra tehničar sa posebnom edukacijom iz hitne medicinske pomoći –vozač.Naša ekipa radi 24/365 i tim koji je stalno dostupan građanima je u ambulanti i izlazi na teren jer je osnovna djelatnost hitne medicinske pomoći vanbolničko hitno medicinsko zbrinjavanje osoba kojima je zbog bolesti, stradanja ili ozljede neposredno ugrožen život, pojedini organ ili dijelovi tijela, odnosno kod kojih bi u kratkom vremenu moglo doći do životne ugroženosti.(Pravilnik o uvjetima, organizaciji i načinu rada hitne medicinske pomoći („Sl.novine FBiH“ br:98/13).S tim u vezi, moramo se pridržavati standarda i normativa zdravstvene zaštite iz obaveznog zdravstvenog osiguranja u Federaciji Bosne i Hercegovine („Sl.novine FBiH“ broj: 58/18) u kome stoji : Za područje doma zdravlja sa 50.000 do 80.000 stanovnika hitna medicinska pomoć obezbjeđuje se u okviru posebne službe hitne medicinske pomoći i rad sa šest timova hitne medicinske pomoći. Za područje doma zdravlja sa preko 80.000 stanovnika dodaje se po jedan tim hitne medicinske pomoći na svakih dodatnih 20.000 stanovnika i jedan tim standardnog medicinskog prevoza na svakih dodatnih 30.000 stanovnika.

Međutim, na osnovu izloženog naša ustanova će poduzeti sve korake, od pozitivnog mišljenja Ministarstva zdravstva Kantona Sarajevo, zatim poslovne saradnje sa Generalnim direktorom JU Doma zdravlja Kantona Sarajevo, kao i mogućnosti da se izvrši nabavka materijalno tehničkih sredstava(vozilo, medicinska oprema i obavezno zapošljavanje dodatnog medicinskog kadra, za što je potrebno obezbijediti dodatna finansijska sredstva.

S tim u vezi se nadamo da će Ministarstvo zdravstva Kantona Sarajevo, Skupština Kantona Sarajevo kao i nadležna Općina Trnovo pružiti podršku našoj ustanovi za realizaciju otvaranja punkta.

S poštovanjem!

CO:
-Naslovu
-a/a

